

EXTRACTO DAS BASES  
XXXIII PREMIO DE POESÍA EUSEBIO LORENZO BALEIRÓN 2020

OBXECTO

As presentes bases teñen como obxecto regular, en réxime de concorrencia competitiva, o proceso de concesión do XXXIII Premio de Poesía Eusebio Lorenzo Baleirón.

A finalidade deste certame é honrar a memoria do ilustre poeta e contribuír á promoción da poesía galega.

DOTACIÓN DO PREMIO

A dotación económica do XXXIII Premio de Poesía Eusebio Lorenzo Baleirón é de 2500€, importe que terá o carácter de anticipo de dereitos de autoría pola primeira edición da obra gañadora e que será satisfeito con cargo á partida orzamentaria correspondente do presuposto municipal para o ano 2020.

Este premio estará suxeito á retención fiscal establecida na lexislación vixente.

O Concello de Dodro comprométese a publicar o libro de poemas galardoado dentro do ano 2021, nunha editorial de recoñecido prestixio. A persoa gañadora recibirá gratuitamente 25 exemplares da obra premiada.

PERSOAS BENEFICIARIAS

1. Poderán concorrer neste certame todas as persoas que o desexen, maiores de 18 anos, que cumpran os requisitos xerais da Lei 38/2003, Xeral de Subvencións, ademais dos específicos previstos no marco destas bases.

2. As persoas beneficiarias deberán estar ao corrente das obrigas tributarias e fronte á Seguridade Social. Este requisito debe manterse desde a presentación da candidatura ata a resolución do premio, calquera cambio nesta condición será lle comunicado ao órgano de instrución do procedemento.

CANDIDATURAS

1. As obras estarán escritas en lingua galega conforme á normativa oficial vixente, serán orixinais e inéditas.

2. Non poderán concorrer textos premiados, presentados simultaneamente a outros certames ou que manteñan compromisos de publicación con algunha editorial.

3. Os poemas serán de tema e forma libres e terán unha extensión mínima de 500 versos e máxima de 800.

4. Todos os traballos reunirán os requisitos formais establecidos nesta convocatoria, no caso contrario serán excluídos.

5. A participación no certame implica a total aceptación destas bases e, naqueles casos non previstos, atenderase ao que ditamine o xurado.

FORMA E PRAZO DE PRESENTACIÓN DAS CANDIDATURAS

1. As obras ostentarán un título e un lema.

2. Os poemas presentaranse en formato dixital, por medio dun lapis de memoria ou CD, acompañados dunha plica ou sobre pechado. No exterior figurará o título e lema e no interior incluírase a seguinte documentación:

- Copia do DNI do/a autor/a.
- Breve currículo literario.
- Solicitude de participación, debidamente cuberta, conforme ao modelo normalizado que se establece na convocatoria (Anexo I).
- Declaración de autoría e orixinalidade, titularidade dos dereitos da obra, da condición de atoparse libre de cargas e limitacións de explotación e de aceptación das presentes bases (Anexo I).
- Declaración responsable de estar ao corrente no cumprimento das obrigas coa Axencia

Tributaria e fronte á Seguridade Social e de non atoparse incurso/a en ningunha das prohibicións para ser beneficiario/a de subvencións públicas, conforme á Lei 38/2003, Xeral de Subvencións (Anexo II).

3. Os traballos enviaranse por correo postal ao seguinte enderezo, sen indicar a persoa remitente:  
XXXIII Premio de Poesía Eusebio Lorenzo Baleirón

Concello de Dodro

Talós, 32

15981 Dodro

A Coruña

4. O prazo de presentación das obras comezará a partir do día seguinte ao da publicación do extracto da convocatoria no Boletín Oficial da Provincia da Coruña e rematará o día 23 de outubro de 2020.

5. Non se admitirán traballos entregados presencialmente, nin fóra de prazo.

PUBLICACIÓN DAS BASES REGULADORAS NO BOLETÍN OFICIAL DA PROVINCIA DA CORUÑA

As bases reguladoras do XXXIII Premio de Poesía Eusebio Lorenzo Baleirón 2020 foron publicadas no Boletín Oficial da Provincia da Coruña, núm.111 do 20/07/2020.

XURADO

A valoración dos poemas corresponderalle a un xurado designado polo Concello de Dodro mediante Decreto de Alcaldía. A súa composición farase pública cando remate o prazo de admisión de orixinais, o 23 de outubro de 2020.

Este tribunal estará integrado polos seguintes membros:

Presidente: Francisco Xabier Castro Touris, alcalde de Dodro, con voz e sen dereito a voto.

Secretario: Xoán Xosé Vicente Franco, concelleiro de Cultura e Patrimonio do Concello de Dodro, con voz e sen voto.

Vogais: catro persoas de recoñecida obxectividade e competencia no xénero da poesía, así como na crítica literaria propostas polo/a coordinador/a do XXXIII Premio de Poesía Eusebio Lorenzo Baleirón 2020.

As funcións dos membros vogais serán:

- Ler e valorar a calidade literaria das obras presentadas no marco desta convocatoria.
- Xuntarse o día 21 de novembro de 2020, na Casa da Cultura de Dodro para decidir o poemario gañador.
- Participar na tradicional ofrenda floral no cemiterio de San Xán de Laiño, onde Eusebio Lorenzo Baleirón fica soterrado así como noutros actos de homenaxe programados no marco do certame.
- Asistir ao acto de entrega oficial do XXXIII Premio de Poesía Eusebio Lorenzo Baleirón 2020, o 12 de decembro de 2020, no CPI Eusebio Lorenzo Baleirón.

A decisión do xurado será inapelable e darase a coñecer o día 21 de novembro de 2020, na Casa da Cultura do Concello de Dodro. Este tribunal terá ademais a facultade de declarar deserto o premio pola falta de presentación de obras, porque non reúnen os suficientes méritos ou porque non se axustan ás condicións establecidas na convocatoria.

NOTA INFORMATIVA

O texto completo das bases do XXXIII Premio de Poesía Eusebio Lorenzo Baleirón poden ser consultadas e descargadas na web municipal do Concello de Dodro, xunto cos anexos.

[www.dodro.gal](http://www.dodro.gal)